



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

Broj: 01/14-04-4207/24
Sarajevo, 21.05.2024. godine

Na osnovu člana 41. Statuta Grada Sarajeva („Službene novine Kantona Sarajevo”, broj 7/23), gradonačelnica Grada Sarajeva raspisuje:

JAVNI KONKURS **za najljepše uređen balkon i dvorište**

I PREDMET JAVNOG KONKURSA

Predmet javnog konkursa je izbor najljepše uređenog balkona i dvorišta, čiji je cilj podizanje svijesti građana o značaju uređenja i očuvanja životne sredine.

II PRAVO UČEŠĆA I PRIJAVE NA JAVNI KONKURS

Pravo učešća na javni konkurs imaju svi stanovnici sa područja četiri gradske općine (općina Stari Grad Sarajevo, općina Centar Sarajevo, općina Novo Sarajevo i općina Novi Grad Sarajevo).

III KRITERIJ ZA BODOVANJE PRISTIGLIH PRIJEDLOGA

- hortikulturno uređenje;
- originalnost uređenja;
- raznovrsnost bilja i boja,
- dodatno uređenje – ograda,
- razni ukrasi,
- utjecaj na ukupan izgled ulice/kvarta.

IV KOMISIJA ZA OBILAZAK I BODOVANJE PRIJAVLJENIH NA TAKMIČENJE

Gradonačelnica Grada Sarajeva će posebnim rješenjem formirati Komisiju za obilazak i bodovanje prijavljenih na takmičenje, a koja će obići objekte koji prema pristiglim fotografijama budu u najužem izboru te će na temelju ukupne ocjene nakon obilaska biti dodijeljene prigodne nagrade za prva tri mjesta s naviše osvojenih bodova u obje kategorije. O datumu posjete učesnici takmičenja će biti blagovremeno obavješteni. Komisija će nakon obilaska izvršiti bodovanje po utvrđenim kriterijima.

Članovi komisije i njihova bliska rodbina na mogu biti učesnici javnog konkursa.

V NAGRADE

Ukoliko Komisija utvrdi da je kvalitet pristiglih fotografija, odnosno prijedloga, zadovoljavajući, donijet će prijedlog o dodjeli novčane nagrade, i to:

U kategorije najljepše uređeni balkon:
- Prva nagrada – 500,00 KM

Adresa: Hamdije Kreševljakovića 3
71 000 Sarajevo
Tel.: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



- Druga nagrada – 300,00 KM
- Treća nagrada – 200,00 KM

U kategorije najljepše uređeno dvorište:

- Prva nagrada – 500,00 KM
- Druga nagrada – 300,00 KM
- Treća nagrada – 200,00 KM

Ako Komisija utvrdi da nijedan od pristiglih fotografija ne zadovoljava kriterije konkursa, Komisija zadržava pravo da ne izabere nijedno rješenje i eventualnu mogućnost preraspodjele nagrada.

Ukoliko Komisija, prilikom obilaska objekata, naknadno utvrdi da je izabrana fotografija fotomontaža, Grad Sarajevo zadržava pravo da poništi Odluku o nagradi, a nagrađeno lice je dužno vratiti novčani iznos nagrade.

VI ODLUKA O IZBORU

Odluku o izboru najljepšeg balkona i dvorišta za 2024. godinu donosi gradonačelnica Grada Sarajeva na prijedlog Komisije.

VII ROK PODNOŠENJA PRIJAVE

Javni konkurs je otvoren do 03.06.2024. godine.

Fotografije koje budu dostavljene nakon navedenog roka, neće biti uzete u razmatranje.

Svojom prijavom učesnici konkursa prihvataju sve uslove konkursa.

VIII MJESTO I NAČIN PODNOŠENJA PRIJAVE

Učesnik javnog konkursa treba dostaviti jednu fotografiju najljepše uređenog balkona i dvorišta, odnosno izvršiti prijavu u samo jednoj kategoriji, a dostavljanje fotografija i prijava se vrši na sljedeći način:

Na e-mail adresu balkoni.dvorista@sarajevo.ba, uz prijavni obrazac koji se nalazi u prilogu javnog konkursa i pisanoj izjavi o saglasnosti za korištenje fotografije od strane Grada Sarajeva.

Moguće je dostaviti više fotografija. U tom slučaju svaka fotografija mora biti dostavljena kao posebna i svaka će se cijeliti posebno.

IX VRIJEME I MJESTO PROGLAŠENJA

Obavještenje o rezultatima konkursa bit će objavljeno na web stanici Grada Sarajeva.

Vrijeme i mjesto proglašenja najboljih fotografija najljepše uređenog balkona i dvorišta, kao i dodjela nagrada, bit će naknadno objavljeni na web stranici Grada Sarajeva.

GRADONAČELNICA

Prof. dr. Benamina Karić, s.r.